

皇  
明  
詔  
制

皇明詔制卷十

皇帝敕諭禮部

朕中宮皇后作配朕躬贊襄內治四十餘年仁  
敬孝慈始終一德芳聲令範中外著聞忽以疾  
崩逝宜有徽稱以詔來世爰遵舊典博采羣情  
茲以七月十三日告

天地

宗廟

社稷遣官持節發冊諡爲

皇明詔諭

萬曆四十八年

卷一百一十五

孝端皇后稽行循實朕不敢私議部便抄行天下  
王府及內外大小衙門知會故諭

萬曆四十八年七月十四日

奉

天承運

皇帝詔曰維我

皇明運祚隆昌基圖鞏固煌煌

大曆

聖聖相承我

皇考大行皇帝奉

天臨民四十八載乾綱在握解澤旁流淵穆端居而  
慮周海內成化久道而誠切日中方垂棗已之

衣忽陟

上賓之馭

顧命神器畀於眇躬仰遵

彌留憑几之言俯循臣庶系箋之請

宗社大計弗獲固辭茲於八月初一日祇告

天地

宗廟

社稷卽皇帝位永惟

皇考啓佑之深茲嗣服覲揚之匪易有懷兢惕若涉

淵冰尚賴文武親賢一心一德惟是邦家彝憲  
是訓是行屬茲涖祚之初宜渙維新之號其以  
明年爲泰昌元年大赦天下與民更始所有合  
行事宜開列于後

一自萬曆四十八年八月初一日昧爽以前  
官吏軍民人等有犯除十惡至死與詐傳  
詔旨交結近侍通夷失機強盜人命及侵  
盜邊海腹裏倉庫漕運錢糧并貪酷枉法  
逆黨左道扇惑人民爲從營幹贊劃指稱

誑騙潛住京師窺探爲姦者俱不赦外其餘已發覺未發覺已結正未結正罪無大小咸赦除之敢有以赦前事相告言者以其罪罪之

一建言廢棄并礦稅註誤諸臣已奉

遺詔酌量起用其有事關國本抗言得罪降斥謫戍永錮歿身者吏部作速查開職名分別奏請召用卹錄

一海內民窮財盡卽舊額徵輸尚苦繁重頃

因東方弗靖勢不獲已加派地畝以給軍  
需言念民艱深懷軫恤今後各省直加派  
九釐地方准免帶徵二分加派一年者免  
帶徵一年加派二年者免帶徵二年向後  
酌量事勢緩急漸次議減事寧之日悉與  
蠲除

一凡被災地方一應夏稅秋糧馬草農桑人  
丁絲絹布疋棉花絨戶口鹽鈔皇莊子粒  
屯田牧馬新增草場籽粒租銀督日防夫



水夫民壯弓兵機戶蘆課竈課富戶及門  
攤商稅魚課棗株鈔貫果品等項自三十  
五年起至四十一年止查係小民拖欠者  
悉與蠲免其已徵在官及追完經解員役  
侵剋者照舊起解作爲加派之數鹽井有  
課無井者着撫按官議豁先年征倭征播  
加派錢糧曾奉詔書停免者各撫按官查  
明但不係題准改作京邊正項着遵

一近來有司急於京邊考成遂緩王糧或有將王糧抵京邊以奏滿考者致各處王府應得祿米缺少各該巡撫都御史宜督率所屬上緊查催完納如有緩比借抵者叅來重治其郡王將軍府子女有應請名請封選婚者本府節與保勘奏請承奉長史等官不許需索刁蹬以致稽遲

一天下宗藩生齒日繁歲祿難繼自本年以後各省撫按酌量原額限定若干除親王

府外查其世代之親疎位數之多寡通融  
支給不得濫加其名封給狀仍責成該省  
布政司巡撫衙門類奏不得專憑五宗徒  
滋弊竇其開四民之業照依禮部條議通  
行

一宗室犯罪發高牆者除叛逆及內亂強盜  
人命不宥外其越關赴京建言誣誤及身  
故而遺下子孫妻妾無依者撫按衙門查  
明原犯情由開具奏請

一兩京五府掌印管事公侯伯都督總兵副  
總兵等官錦衣衛掌衛事并管南北鎮撫  
司事指揮以上官六部等衙門四品以上  
官并學士及各總督提督巡撫等官先年  
俱着自陳去留取自上裁但近年人材壅  
滯班行寥落且五年軍政考察在邇始著  
用心供職其五品以下文職及部院堂上  
及在外撫按官嚴加督率隨事責成若有  
偷安廢事者部院科道不時論劾以憑究

治

一朝廷用人惟求真才今後吏部用人毋拘  
資格凡有才能卓異即便破格擢用以示  
激勸其養病致仕各官年力未衰素行表  
著曾經科道及撫按官薦舉者該部亦量  
材查奏起用但不許市恩濫舉違者治罪  
一察吏安民全藉舉刺黜陟乃有劾到有司  
賊私人命槩置不問止照原擬降調其揭  
薦署考字義微涉疑似輒擬劣轉名實乖

舛莫此爲甚今後撫按官舉劾及吏部陞  
轉優劣務求參綜詳確除露章賢能優敘  
貪酷提問外其餘注擬俱照考覈規例分  
爲三等斟酌處分不致懸殊仍須着實遵  
行不得視爲文具

一各處織造絨褐紵絲紗羅綾紬等項萬曆  
四十三年以前除造完起解外其未完者  
俱減去一半餘三年造完起解以寬民力  
其應天等府萬曆四年九年未完袍段查

係遠年一概停免廣西歲織葛布一百疋  
爲數不多未免擾民俱應免造

一各省直等處額解四司料銀段價磚料生  
熟鐵黃白麻磚匠糝麻葦夫葦課車價班  
匠柴夫木柴焦炭銀山場地租河道退灘  
地畝籽粒鐵冶民夫麂皮活鹿天鷲狐皮  
翎毛等項本折自萬曆三十五年起至四  
十一年止已徵在官者截數起解不許隱  
匿拖欠在民者盡行蠲免

一十庫錢糧各省直徵解本色與赴京辦納者充積內庫歷年已久輸者解者俱不堪苦宜遣巡視查其足用幾年除本色不足者仍解外其餘查自四十八年以前凡未解者俱暫停本色以寬民力其銀解送該部充濟邊之用

一各省直解官解戶押進內庫錢糧入京多投歇家攬頭概陷局騙相聚日久先後那補侵費以致敗露致原解官役羈囚節年



追比或有身死累及家屬無裨積逋詔下之日若五年以上未完者姑准押發原籍並歇家攬頭行撫臣勘估家產抵完拖欠果係家產盡絕准與豁免止各依應得罪名究遣

一近來民間困窮在外司道府州縣等官須加意拊循其有多加火耗濫行罰贖勸借軍民私派里甲甚而暗通暮夜賣法鬻獄者著各該撫按官嚴行訪拏禁革務在訪

確贓蹟不時劾奏後來勘問衙門亦須按  
律治罪不得徇私姑息如撫按官縱容聽  
兩京科道官指名叅治

一撫按各差訪拿人犯屢經禁止間復舉行  
中多讐黠窩訪乘機誣搆不無冤濫今後  
務遵明禁入境受事卽刊布奉旨不行訪  
察一條徧諭所屬以杜指嚇果有豪猾病  
民有司不能治者被辜違者以不職論

一凡致仕閑住爲民充軍官員不係考察及

犯私罪者不拘自陳被論吏部逐一查開  
奏請充軍者放回原籍爲民爲民者與冠  
帶閑住閑住者與致仕中間如有才望過  
人年力尚壯曾經薦舉者許一體酌量推  
用

一内外文職官考滿原有稱職平常不稱職  
之分此係舊例近來一概考稱殊非明試  
之義今後各官給由兩京堂上官在外撫  
按官務要其治行施行不許一概含糊奏

請

一各處儒學生員食廩年深需貢淹滯宜加  
疏通今計于歲額外順天府每學添貢二  
名在外府州縣及運司衛學各添貢一名  
提學官仍查貢次在十人中科舉三次以  
上從來未經考劣緣事停降者考取起送  
以寓選舉經明行修之意止行今年一次  
俱于明年四月內廷試其有年力不能待  
貢願告冠帶者給與

一武官誥敕係朝廷報功大典向緣所司刁  
勅以致各官不敢續黃兵部便行文天下  
軍衛衙門逐一清查果有年久未續者許  
本衛所保勘明的准與續黃以後襲替必  
須親齎誥敕與黃選查對相同方准選授  
一內外大小武職官除真犯死罪及事干軍  
機重情不宥外凡一應干累註誤犯該充  
軍立功等項所司查明來歷奏請定奪其  
失機不係失陷城池及殺虜至二百人之

上內有年力精壯尚堪委用者許其具奏  
所司查實題發邊衛充軍立功贖罪

一內外問刑衙門無論文武職官有犯曾經  
撫按問明具題覆請未下者查照原擬發  
落若正犯已故累及子孫者酌量開釋其  
各省直撫按官例報審錄矜疑等項人犯  
題請未下者亦俱照原擬發落

一兩京監禁各衛所拖欠漕糧等犯官地隔  
千里不便追徵合押發本處糧道監禁變

產完官共有監故病等情仍令子孫襲職  
限五年內或扣俸或設處每年務完二分  
若過限不完照例叅降

一工部鋪商夫匠等役有做過工程納過物  
料已經實收到部後又減欠者原與預支  
花費殊科查果逃亡產絕者准與豁免

一東征諸軍士或調或募死者暴骨沙塲生  
者戮力塞外優恤之典屢歷廷議今宜行  
逸腹各撫按查自兵興以來戰歿軍士所

有田土不論民地屯地俱係的產或因無人無力耕種致有荒蕪者其前所逋錢糧盡爲豁免仍查給各兵的親人丁助其牛種待成熟後方可起科但不許各兵族人將旁人之地濶稱兵地以冒蠲免

一東征文武道將諸臣勦奴陷沒者義氣常新忠魂不泯身後之恤例得從優其各官所有田地人丁生前優免者死後不得遽爾開徵仍照各官品級應免徭銀之數查



某官于某年月日戰沒卽以爲始再免六年六年之後方可議派以示朝廷優恤勞臣至意

一內外各衙門見監死罪重囚有情可矜疑及人命在辜限外者覆審是實俱免死發邊充軍其人命無屍可檢強盜贓仗不明及年久無贓人犯無証具題未下原問衙門未成獄者卽比照熱審事例清查釋放

一在京在外監追還官入官給主贓物除係

官錢糧監守侵盜者俱照舊監追其入官  
贓百兩以上給主贓五十兩以上若監追  
二年之上身已故家屬代追各勘無產堪  
以變賣者開具所犯情罪奏請定奪若入  
官給主之贓不及前數監追半年之外正  
犯身故勘無家產悉與宥免若係埋葬銀  
正身見在仍依律追給以卹死者

一節年行勘文武職官遷延不報以致奸猾  
得脫被誣者久湮詔書到日各該撫按官

通查原承行官司立限催勘奏報如仍怠違叅奏處治

一各邊鎮軍器所需及撫賞段疋諸物承委官多侵尅額價收買濫惡物料以致器械火藥製造不精其緊要夷日本路道將往往那扣別項錢糧賠買賞用司道官漫不經心或徇差委後務選廉幹正途府佐照價置辦布政司及本道守巡官嚴加查驗事竣開註有無情弊甄別賢否呈送督撫

巡按衙門以憑薦劾獎戒

一近來法紀廢弛武備不設以致盜賊生發  
貽害小民有司又避忌失事隱匿縱容往  
往釀成大患今後各該撫按官務要嚴督  
司道府衛州縣掌印巡捕等官遇有盜賊  
卽行緝捕務在得獲每季終將各該管地  
方有無失事及獲遇盜賊名數申報查考  
敢有隱匿不行從實開報者提究如律若  
撫按官姑息容隱聽科道叅處

一京城首善之地五方輳集有等無籍惡少  
結煽成把攘奪恣肆大爲民害亦有娼優  
隸卒濫竊冠裳服飾裘馬僭分陵上風靡  
俗流敗壞斯極今後五城御史密訪嚴拿  
情重者盡發遼東爲民或令編伍守哨以  
警奸頑

一邪術誣世如無爲白蓮紅封大乘等教廣  
布傳頭結連亡命甚至造符印擁兵仗二  
呼百應莫可誰何矧有奸民專以賽會進

香爲事興蓋雕龍畫鳳旗鼓蔽日喧天連  
法殊甚宜嚴緝致師會首依律究罪餘黨  
解散邇來淫祠日盛緇衣黃冠所在如蟻  
今後敢有私制禪林道院卽行拆毀仍懲  
首事之人僧道無度牒者悉發原籍還俗  
一苑馬寺所隸牧軍額設田土多被豪惡侵  
占群外馬匹妄報餘丁以致馬死人逃貽  
害原籍兵部行文該寺監苑官不許聽信  
奸猾報丁滋累群外死馬虧欠除正軍外

不許監官移文擅勾原籍違者聽巡茶御史叅治其一切未完賠補自萬曆四十六年以前盡數免追

一中都留守司河南山東都司所領班軍月糧應解州縣每有拖欠致各都司官呈借太僕寺班銀馬價及兵部扣留班軍老幼銀兩俱未補還及免班年分應折班價并新舊絕軍糧銀未解數多今除四十四年秋班以前拖欠者悉免追徵以甦困累內

有已徵在官者照數補解共四十五年以後拖欠仍各照年分追徵

一各處衛所歲造軍器并有司該造弓箭弦條自萬曆四十八年以前拖欠未完者悉免補造有收過有司物件准作以後年該辦之數敢有因而侵欺者治以重罪

一各處額編民壯快手本爲緝捕盜賊而設近來數多差占或赴各兵備道團操遇有草寇竊發有司束手無措今後不許占役



一人悉令放回各該府縣責成掌印巡捕  
官設法操練各兵備道巡歷之日比試查  
驗其保甲一事尤爲弭盜良法兵部便行  
文各處着實舉行

一軍戶有重役不問三處五處遇有事故如  
果戶內人丁消耗只併一處勾補其餘悉  
行開豁及有丁倒戶絕并同名同姓被人  
妄報連年勾撥者有司從實體勘得實卽  
爲轉達該府兵部開豁毋得展轉勾攝貽

累無辜亦不許指此爲由概將有丁之家  
徇私賣放空歇軍伍有各治以罪

一四十七年四十八年在京問過發配納贖  
三年以下等徒罪監禁日久可抵配贖候  
過寺後卽准釋放

一犯罪存留養親備載名例律凡軍民罪囚  
有祖父母父母年八十以上老疾應侍家  
無以次成丁者犯該死罪除極惡重情常  
赦所不原及奉欽依外若誤殺戲殺誣告

人累死隨行親屬等項開具所犯情由奏  
請定奪其徒流人犯照萬曆四十二年例  
發本處擺站做工煎鹽瞭哨以便存留養  
親務勸結明白不許納賄扶同任情朦朧  
混行違者以故出論

一先次



恩詔各省直自二十九年起到三十四年止各項錢  
糧查係小民拖欠悉與蠲免惟是順永二  
府所屬州縣衛所因四十二年間旱災異

常該撫按具疏欲將四十一年以前悉爲蠲免該戶部覆准將三十八年以前的係小民拖欠者蠲免三十九年以後仍令下年帶徵今各省直蠲免應自三十五年起順永二府所屬自三十九年起各蠲七年至於京城內外居民房屋比歲雨潦衝壞未盡修復者准免房號三箇月廊店房屋倒塌者查明免租

一北直隸蘇州昌平武清玉田三河東安寶

抵等州縣牧地草場新增解監銀一萬六千有奇先年已經按屯兩臣具疏請免該部題覆其地屬荒鰥銀係重科該監豈得朦朧徵擾仍照舊曆士年額徵銀解部其加增解監之銀盡行豁免以寬民力

一北直隸涿州良鄉固安武清永清東安香河灤縣通州三河等處衛京屯軍自舊曆二十八年以後新增屯丁銀比例礦稅徵

解通灣稅監已二十年所軍苦已極四十  
二年雖恩例赦減之一而害未全除  
徵納更苦今東陲未定調募日煩衛京之  
兵尤當休養豈堪重累畿內遇落地二  
稅已經按臣具奏停免此項屯稅自今四  
十八年爲始着同二稅一併蠲除

一朝廷政事得失天下軍民利病許諸人直  
言無隱

於戲監

成憲以罔愆繼述祇承夫志事同民心而出治與  
釐用協於章程凡在照臨偕臻閭閻布告中外  
咸使聞知

萬曆四十八年八月初一日

奉

天承運

皇帝詔曰朕以眇躬嗣登大寶夙夜祇懼罔敢寧居  
於凡用人行政遵明

皇考遺命力疾舉行哀勞交萃奄至彌留定數未移  
考終何憾但念朕紹承洪緒筑疚方新志業未  
就所期繼述端屬後賢皇太子 茂質英資

克荷神器宜蚤嗣皇帝位其恪守

祖宗彝憲親賢勤學立政安民朝講一遵典制冠婚



皇明詔制

十一

萬曆四十八年

二十

擇吉蚤行出入起居倍宜兢慎左右侍御務近  
端良内外文武百執事之臣尚懷隱痛同心協  
贊永保基圖朕從

皇考在天之靈陟降鑒觀於志畢矣喪禮依舊制以  
日易月二十七日釋服母禁民間音樂嫁娶宗  
室親郡王藩屏寄重不可輒離封域督撫鎮守  
都布按三司官員地方攸繫不許擅離職守聞  
喪之日止於本處哭臨三日進香遣官代行衛  
所府州縣土官竝免進香詔諭中外咸使聞知

萬曆四十八年九月初一日

奉

天承運

皇帝詔曰維我國家受

天明命累洽重熙

列聖相承代增其德我

皇考大行皇帝

元良主器二十餘年

脣質英資風炳靈於天授

稊躬繕性兼式穀於庭摹嗣續鴻圖誕敷文命用

皇明詔赦

十八萬曆四十八年

二十二

丁七

賢納諫每率

祖以攸行致治保邦若惟日之不足緊克勤與永慕  
遽厭世而

上賓

顧命眇躬屬茲神器朕孳孳在疚豈忍遽聞而文武  
羣臣及耆老軍民人等累箋勸進辭拒至再情  
益懇切乃遵

遺詔以九月初六日祇告

天地

宗廟

社稷卽皇帝位朕以涼德方在幼冲深維

上天眷命之隆

祖宗付託之重孰憑依而攸濟在典則之作求惟茲  
臨御之初宜有渙頒之號其以明年爲天啓元  
年大赦天下與民更始所有合行事宜開列于  
後

一

皇考德意具載前登極詔書諸凡用人行政獎誠興

釐鑿鑿明備所司務須遵承條款按實舉行仍載入考成以便稽覈如有視爲已頒故事應以虛文及時月稽延不行奏繳者以違制大不敬論

一

祖宗舊制斟酌古今盡善盡美原可永遠遵行邇來所司多任意紛更一時稱達時宜日久又成窒礙以致人情惶惑法令紛紜成何治理今後內外大小衙門各行事宜查照會

典開載及累朝舊章着實奉行間或事久  
勢窮法宜通變須明白奏請會議安確始  
行不許擅自更張紊亂成憲

一自萬曆四十八年九月初六日昧爽以前  
官吏軍民人等有犯除謀反叛逆子孫謀  
殺祖父母父母妻妾殺夫奴婢殺家長一  
家非死罪二人抹生折割人謀殺故殺疊  
毒魔魅毒藥殺人強盜妖言姦黨失機并  
事干邊方夷情人命十惡至死罪者及永

遠充軍人犯不赦外其餘已未發覺已未結正罪無大小咸赦除之敢有以赦前事相告言者以其罪罪之

一戶部加派地畝錢糧兩次七釐兵工二部加派二釐俱屬會議不得已之計先據戶部議將加派地方免帶徵二分今議將四十六年加派通免一年以寬民力其已解完者准作四十七年之數四十八年仍徵解運漕逋其四十七年已徵在官者既難



復還百姓豈容奸吏侵漁有司官卽添入  
見徵數內使百姓輕省隱匿者撫按官查  
究

一宗室子女有奏報名封稽遲別無情弊者  
各該撫按官督令各輔導官以詔書到日  
爲始限五箇月以裏保送前來以憑禮部  
覆奏其的派子孫但所出不合奏例者亦  
請量准名糧冠帶以示優異中有孝友行  
誼輸納助官者仍照通行例旌獎

一宗室犯罪發高牆監禁者除前次詔書所載越關赴京建言註誤及身故子孫妻妾無依者聽撫按查明具奏外其在侵犯職官欺凌小民不係人命姦淫強搶人財物者已經押解高牆久示懲創准與維新撫按查明具奏放回以昭惇睦之仁

一

累朝及見在公主所出子孫各廕一子入監讀書如無當廕者准於原廕武職上量加一級兵

部卽與題覆

一勅臣襲封見爵者供給與應得誥命未領者准補給其五府并宗人戎政掌印官著有勤勞俱量加官銜一級已加者准給有與

一兩京文武官一品至九品各給與應得誥敕先給領者進本品勅階一等品同而職銜不同者照見任改給署職者與實授試御史中書庶吉士吏部守部進士及給假

守制等官候實授官復除之日補給其行人司務准給本身仍照舊曆三十一年例改陞之日補給父母及妻凡願移封移贈者聽先已移封移贈者給與本身及妻兩京科貢及制誥兩房官八品以下者准照行人例行在外方面官五品以上有司四品以上雖未考滿遇有正薦者亦與應得誥命先經領者進本品勳階一等府佐州縣正品官歷俸二年以上有正薦及旁薦

合例者亦准給與其有歷俸三年未遇撫  
按復命曾經給由保留者俟撫按復命薦  
補給其在任候代與見任同前母繼嫡母  
准三母封贈繼妻受封已故者見在繼妻  
准封有嫡母已經受封生母年踰六十以  
上者准並封其妻亦得並給

一兩京三品以上文官未考滿者廕一子入  
監讀書其已經三品考滿廕子又歷二品  
俸三年考滿及二品見任在京者仍廕一

子入監讀書

一在外方面官二品至五品有司官四品以  
一河上曾經撫按題准復職後遇考察事故不  
係爲民者誥命准補給

一建言廢棄註誤諸臣已經

皇祖遺詔酌量起用有未盡者着吏部陸續題補其  
近日因言被謫尚未補官者准復原職

一兩京文武官員署職試職者准實授仍支  
署職俸糧如遇推陞亦止於前署職遞加

一祀典神祇有司宜肅恭祭祀整潔壇宇其  
帝皇陵寢及名賢墳墓皆宜修理禁約毋許樵採收  
放

一内外文武大小職官有因公干累被黜原  
不係犯職考察人數日久事明情可矜原  
及舉監生使員人等詿誤被革公論共惜  
者許其自辯奏請定奪

一各邊衛所營屯原有額設兵馬足防虜患  
乃地方文武官員偷安忘警平時通不操

練軍多占役馬多虧損及至虜寇闌入百  
無一備以致殺掠人畜失陷城池深爲可  
恨兵部便通行各該衙門卽將原額兵馬  
嚴加查覈常行訓練務俾戰守實用其原  
有城堡年久坍塌者上緊修理原無城堡  
處所應該增築者查處堪動錢糧增築如  
或奉行不力虛文塞責督撫按官據實叅  
奏治罪

一各邊將士戰功往往以勘覆稽遲賞不足



勸都察院便行文各該巡按御史將萬曆四十八年九月初六日以前未勘報功次俱限三箇月奏報如有遲緩卽行叅論其宣大薊遼等鎮多有奸民冒認錦衣衛舍丁及陣亡軍人子侄濫陞官旗又或一人而數處立功一時而兩三處立功均爲違法兵部兵科逐一清查奏請降革

一邇來民困極矣有司不能加意撫綏分外侵漁有僉報富民義民借以供應者有派

當庫役斗級累年賠苦者有差遣省祭義  
官經歲奔走者有立名行戶鋪戶虧損價  
值者有於罪贖之外橫肆科罰至十石百  
石者有於條鞭之外立小條鞭火耗之外  
復加秤頭任意乾沒者詔書到日一切禁  
革撫按官嚴督所司刊榜曉諭如違查叅  
重處該部科有聞卽行叅奏

一民間照丁納銀原有定額顧生聚日繁戶  
口日減緣隱占者多卽編審一法非增減

於紙上則勒報於里甲遂致有丁已耗盡  
而冊載累累者方今募調之令悉索問左  
而復使民納無丁之銀深爲可憫撫按官  
嚴行有司各照保甲細查丁口但有幼未  
成丁老未及免與逃亡空懸之丁悉與豁  
免

一有司職司民牧開荒種樹積穀三事尤民  
生國計所關以前俱未着實舉行捏報虛  
數反爲民害今後各撫按務委查盤官親

詣各境驗其墾田種樹實有若干坐落某  
山陂村落積穀在倉者的有若干有無科  
罰擾民必有實效方許陞考其仍前捏冒  
者與查盤官一併叅治

一東宮通事舍人勤勞日久量陞一級管領  
指揮等官優加職銜帶刀控馬舍人併隨  
侍大漢將軍直宿巡緝旗校年深者俱量  
加職級其鑾駕庫夫見在三十二名供役  
貧苦准照校力例月給米一石

一大漢將軍侍衛二年以上者給與冠帶又  
歷四年以上者受試百戶年五十侍衛二  
十年以上者不拘在役退閒俱與冠帶榮  
身其退役將軍兒男見在守候大選襲替  
者免其守候查照其父歷役年月久近准  
與襲替旗校力士若年分未及與例未合  
者不許冒濫襲替

一王府官年老願致仕者進散官一級其長  
史歷任三年無過者給與應得誥命

一歲貢出身難苦廷試後准冠帶不願仕者  
選授職銜在外撫按類奏劄付發布政司  
分給所在有司一體禮待優免歲選兩貢  
入監者仍多優選以示風勵儒學生員有  
願告侍親者聽親終之日仍許復學年五  
十以上者許告衣巾終身有食糧年深挨  
貢不前者許告給冠帶免本身襍泛差役  
聽選監生正歷十五年雜歷二十五年者  
先給冠帶吏典兩考已滿無過不願赴京

者准遙授省祭官冠帶免本身一丁有司  
不許差遣

一兩京十三省衛所指揮千百戶等官嫡長  
子孫多有貧窮不能保勘起送襲替却被  
旁支遠房有力者朦朧承頂其或賣與異  
姓冒名襲替深失朝廷酬功本意兵部便  
行文曉示許其據實告明所在官司卽與  
查明申呈撫按衙門奏聞

一軍職爲事降調兩廣等處烟瘴衛所病故

不分已未到衛子孫路遠不能赴所調衛  
分起文承襲原衛起送承襲帶俸  
差操其充終身軍已經開伍回衛年六十  
以上者比照爲民事例子孫准其承襲其  
爲事降級年六十以上子孫赴部替職者  
准復祖職未及六十者止許漸替所降職  
事其爲事立功者許令復職差操與支半  
俸扣至限滿全支有限未滿病故者子孫  
襲職免其減俸



一遼東地方軍民人等或先年逃入虜中或  
近日擄去住彼日久遂爲虜用間有欲率  
領親識還鄉者又慮官司追究前罪不敢  
自歸殊爲可憫兵部便行該鎮總督鎮巡  
及將領等官務要用謀示信多方招徠如  
有率衆來歸者厚加撫恤仍具所率人數  
奏聞以憑酌量賞錄宜大山西及陝西三  
邊一體施行

一近來驛遞疲困支應不給馬戶夫役往往

逃亡各省直撫按官行查地方衝僻繁簡  
將原額站銀酌量於簡僻處所有支剩銀  
兩通融協濟仍照節年中飭事例嚴查應  
付毋得徇情多給人夫馬匹其過往官員  
人等不許勒要折乾擅用金鼓夾帶騷擾  
今稅監盡撤各處原因稅監添派供應夫  
馬站銀都着一併蠲豁不許仍前混徵貽  
累小民違者撫按詣實叅處

一各省直織造紉段羊絨地方出產有限機

戶困于杼杻商販窮于展轉營利幾何乃  
有指稱行戶名色攫取無厭仍縱衙役乘  
機需索有辦納一物賠累至倍者相應嚴  
行禁止違者聽撫按官叅處有司官亦不  
許借立行戶名色抑買貨物賠累商民  
一浙江福建南直各府織造歲改段疋每疋  
段價內扣羨四錢始于萬曆三十年間與  
礦稅事同一體不論遠近年分亟行蠲免  
扣解者補給未完段價以蘇民困

一四司料價等項除前詔寬恤外相應再蠲拖欠二年以寬民力

一各省直稅銀原爲協濟大工而設今奉明旨一槩蠲免但恐官吏欺蔽中有加派地畝坐派行戶人丁甚至攤派間架者小民不知仍行輸納官吏扶同網利相應嚴行禁止各地方官有不行更正者撫按監司訪出叅奏重治

一近來私揭公行變亂是非搖惑觀聽奸人

得志善類含冤至有屬官揭害上官軍民  
誣讟本管甚非法紀已經屢行禁止如有  
仍投遞者各衙門不許受理舉發治罪其  
交關窩訪假捏贓罪恐嚇官民挾騙財物  
者但有實跡該撫按官即便嚴拏正法重  
者問擬具奏

一太醫院見差供事冠帶醫士准照監儒事  
例免役四箇月內殿供事者加免兩箇月  
其候缺吏目曾經考試支俸者准令預授

止許支俸不支柴薪亦不得扣滿原係預  
投三年以上者准令實授遇有本科員缺  
仍照原題挨次銓補不浮於額外其有被  
誣革職年力未衰術業精通者該部准與  
辯明奏請復職

一兩京各衙門歷事監生及承差各免歷事  
二箇月辦事官一箇月吏二箇月當該四  
箇月禮部鑄印局儒士食糧候糧及納銀  
冠帶見在歷事者各免三箇月

一兩京商人有三年一編者有五年一編者有經應役破家折產每遇僉報如蹈湯火今原係三年者准減一年以二年更換五年者准減二年以三年更換

一稅契原因遼餉缺乏廷臣會議將漏稅者免罪補稅法未嘗不善今聞有司奉行過當不分已稅未稅一槩拘追致增煩擾已後民間買賣田產許照舊例納稅用布政司及本府印信契尾其四十八年以前凡

已納在官者起解濟邊漏稅未納者許其自首不必一概窮究

一各監局鋪墊有司徵解原有定額邇來增索日甚解戶苦于賠累將來何所底極以後如有仍前額外苛求許被害諸人告明叅處

一兩京各省軍民鬪毆致死人命除下手故重一人應抵外其餘共毆之人有致命重傷例雖充軍然必有執持鎗刀等項兇器



爲例所載者方擬充軍如木棍磚石之類俱係他物不許濫擬充軍詔書到日卽清查釋放以後刑部都察院撫按官常行申飭務查照例文遵行違者以故入人罪論  
一 內外各衙門見監應決重犯今歲暫免行刑在內法司及差出恤刑併巡按官仍將情罪有可矜疑如正犯脫逃解役及家屬監禁五年以上朋謀共毆人命爲首及下手人已經監故爲從及稱主使喝令者准

# 與辯明開豁

一近京各州縣及各省開墾水田往往既墾成熟被勢豪及經管地主混占告奪以致人無固志地利不開今後再有前項情弊許被害諸人奏告重處地主如未受價止許改正糧站量斷荒地價值永令開墾之人就產立籍管業所在有司能加意勞來開墾數多著有績者撫按官覈實具奏優敘

一各省小民拖欠錢糧近奉

恩詔自三十五年起至四十二年止悉與蠲免惟順  
永二府所屬因四十三年旱災異常題將  
三十八年以前蠲免訖今次蠲免自三十  
九年起至四十五年止其保河等六府徵  
兵措餉召買草料豆粟視外省更爲煩苦  
許自三十五年起至四十二年止亦與蠲  
免以寬轉運召買等項偏累之苦

一京城內外房號除前次

恩詔已將雨滂倒塌者准免三箇月外今將内外小民窮居再免二箇月其年久空地無房猶包房號者查明盡行蠲免俟修復之日另行起徵其京城廊店房屋見徵租銀者自四十二年起至四十七年止凡拖欠久追不能完納者悉與蠲免又通灣店房已經罷稅不許奸徒假捏橫徵地方官不能奉詔禁止者以不職論

一北直文安定興青縣三縣災傷子粒俱照

按屯御史原疏題請事例折徵

一直隸永平府每年解納惜薪司本色聚一  
萬五千五百餘斤近據順天巡撫奏稱進  
解鋪墊地方賠累■改折色銀三百九十  
兩每年五月中差官管解前銀自行買辦  
以省地方賠累之苦其西山一帶曾

青■回稅監留黃樹園轆轤港鏡兒窩等窩因委石  
駁代進煤炸因而假借騷擾地方盡行撤  
免原用煤炸無多該管官另行設處毋得

仍前私兌以擾貧民

於戲繼述覲揚勉率循於無斁翼爲明聽尚匡  
弼之是求所賴文武親賢殫乃心力輔朕不逮  
以成我

皇考未竟之志培爾萬邦無疆之休布告邇遐咸宜  
知悉

萬曆四十八年九月初六日

奉

天承運

皇帝詔曰朕惟恩隆一本尊崇式備夫上儀禮達

重闈徽懿道光于顯號敷天竝載永世同辭恭惟我

皇祖妣孝端皇后柔順含章安貞厚載配二儀以發

育含萬物而化光石鷺銜文已鍾靈于芳族軒

龍耀采遂

正位于椒塗奉

兩宮而齊恩媚之賢承

皇明詔制

一

萬曆四十年

三六

九廟而篤迓釐之慶佐

一人之宵旰道贊垂衣弘六寢之休嘉慈均佩韜位  
奠承華之主器德並恩勤祥徵興慶之合飴勞  
深啓佑

萬年作述謀燕子以貽孫

四紀昇平教刑象而化國方忻愛日遽謝長秋我

皇祖感故劔而興懷肆冲人撫遺綬而增慟非藉恭

隆之典曷伸

罔極之思魯頌姜嫄特重閼宮之報詩稱文母亦登



清廟之歌爰命禮臣式稽成憲博參輿論共讚  
懿章萃愛戴于臣鄰誠通祝史萃芳徽于琬琰禮備  
榮哀卜以九月十三日祇告

天地

宗廟

社稷恭上

皇祖妣孝端皇后尊諡曰

孝端貞恪莊惠仁明婉天毓聖顯皇后於戲

瑤牒恒新賁幽光于有赫

皇明詔制

十一

萬曆四十八年

四十一

鴻名不朽緬英爽以如存布告中外咸使聞知

萬曆四十八年九月十四日

奉

天承運

皇帝詔曰朕惟孝隆所生詒穀適追夫聖善禮返自  
始尊崇式協于情文維盡制以盡倫自率親而  
率祖榮哀駢萃

淑懿光宣恭惟

皇祖妣溫肅端靖純懿皇貴妃

梓穆貞姿

柔嘉令則恭慎贊

中閨之化敬效雞鳴婉愉奉

長樂之慈歡承燕喜備坤儀以毗

乾御培

震器而最蒙功主鬯觀成既叅勞于翼子含飴隆  
愛旋受祉以詒孫方期介慶于無央倏爾栖真  
而莫待屬

鼎湖將袂期展孝思乃

玉儿俄憑尚稽成事肆予眇質奄紹丕基維木有  
源似續永懷乎啓佑謂地蓋厚

慈徽莫罄夫榆揚特命禮官博詢輿誦爰遵

末命克舉上儀

儼極升華象服儼長秋之御易名節惠

鴻稱昭永世之辭卜以九月十三日祇告

天地

宗廟

社稷恭上

皇祖妣尊諡曰

孝靖溫懿敬讓貞慈恭天胤聖皇太后於戲大典承

乎

先志在天昭

聖孝之隆德音播爲休聲率土慰  
母儀之仰布告中外咸使聞知

萬曆四十八年九月十四日

泰昌元年大統曆敕諭

朕惟

皇考嗣登寶位甫逾再朔奄棄臣民善政微猷靡可  
殫紀父作子述著代爲先正始受終得統爲大  
維

先帝之龐恩湛澤永結於人心宜泰昌之建號紀元  
昭垂於萬世於以明續承之顯序彰

啓佑之洪庥明發有懷方深軫慕再覽廷議實獲朕  
心其以萬曆四十八年八月初一日至十二月

終爲泰昌元年並載大統曆庚申紀年行內禮  
部通行天下一切章奏文移遵奉施行欽哉故  
諭

泰昌元年九月二十日



奉

天承運

皇帝詔曰朕惟在昔聖帝明王德盛化神臣民頌戴  
繼統之君鋪揚休烈昭薦徽稱光于四方垂諸  
萬世于以顯親崇孝典至重已恭惟

皇考大行皇帝

聰明天縱

仁孝性成

震潛勵就將之功

皇明詔制

十一  
泰昌元年

四十五

離照章繼述之美任賢若渴下令如流發帑金以  
給軍興撤稅璫而拯民瘼

休聲四洽

湛澤旁周雖

照臨甫閱旬時而俄頃同流天地治平之効日異

月新夫何

諒陰未幾

上賓不待率土均喪

考之痛冲人切紹庭之思維繼序之不忘詎追崇之

敢後謹命文武羣臣博詢輿誦參協彝章會言  
既同

上儀肇舉乃於今年十月十六日祇告

天地

宗廟

社稷奉

冊寶恭上

皇考大行皇帝尊諡曰

崇天契道英睿恭純憲文景武淵仁懿孝貞皇帝

廟號

光宗於戲

帝德難名卽揄揚之未罄

皇建有極惟昭示以永存布告萬方咸使知悉

泰昌元年十月十七日

追謚悼懷太子敕諭

皇帝敕諭朕第二子誕生念舉首胤嗣緒攸關已頒  
行恩詔布告萬方不意未週旋殞深悼朕懷追  
按舊章應加隆典爾禮部其擇日告聞

祖廟追謚爲悼懷太子仍頒行中外咸使知悉故諭

天啓四年七月初六日

奉

天承運

皇帝詔曰國家繫德存仁開啓受祉天必錫予胤嗣  
以昌世衍祚于無疆朕卽位以來夙夜祇畏罔  
敢怠荒冀圖所以崇昭格而大庥美幸賴

玄穹垂眷暨我

皇祖

皇考丕顯之靈以今年十月初一日誕生皇子爲容  
妃任氏所出是日寶曆初頒千官拜舞而慶從

天錫喜自內傳知爾萬方普同歡悅特援舊典用沛  
新恩合行條例臚列如左

一自天啓五年十月二十五日昧爽以前官  
吏軍民人等有犯除謀反叛逆失機子孫  
謀殺祖父母妻妾殺夫奴婢殺家長殺一  
家非死罪三人採生折割人謀殺故殺蠱  
毒魘魅毒藥殺人強盜妖言奸黨假印假  
官十惡至死罪及永遠充軍不赦併終身  
軍有事于封疆侵盜軍餉違禁通夷詐爲

諸衙門文書誑騙財物亦不赦外其餘已未發覺已未結証罪無大小咸赦除之

一宗室一應名封合例者速與保奏不合例者量准名糧及旌善蠲罪俱如前詔例行其長史司及守備衙門各奸棍人等該管官務嚴加禁戢無令勒措使各沾恩以彰親親之仁

一管理擇賢視論親論爵論齒尤足風勵其間奉法無害者仍舊管理勿得紛更



一宗生應舉勿拘定數其場中試卷須與民生一樣糊名易書母另編宗號登名之日卽止其宗祿以後選除勿限外任使天潢有志者咸知奮勵

一宗室犯罪發高牆庶人已故所遺子孫妻妾無依者撫按衙門查明原犯情繇開具奏請釋放

一各王府分封既久宗支日繁祿米歲增民間地畝所出有限兼以有司怠於催徵地

方時遇荒歉以致常祿拖欠養贍不周深  
爲可憫詔書到日撫按官各將境內宗祿  
及坐派民糧額數通融計算嚴行設法徵  
給如有不敷仍酌議哀益通變事宜奏開  
朝廷區處毋使貧難失所有孤親親之意  
一宗室封婚止以過期致經科舉未經奏請  
者查照靖江王府擅婚之例二十年以外  
革祿三分之一二十五年以外革祿四分之  
一准其封婚如已經另名久礙名例者不

許安援奏請

一親王年八十以上者具奏遣使存問親郡  
王年七十以上者賜羊酒幣帛地方官存  
問其有衰病一應禮儀不能自行者許子  
代行將軍以下年七十以上者各賜絹十  
疋庶人量給四分之一其無祿加給米如  
平民八十之例

一旌表義夫節婦孝子順孫所以扶植綱常  
勸勵風俗政之大本緣有司苦坊價措遂

使幽芳不揚今詔書到日有司務要仰體  
朝廷德意遍加諮訪如果事實卽申呈巡  
按御史勘結奏聞以憑旌表敢有稽遲者  
罪之其子孫自願捐貲立坊有司給與扁  
額聽其自便不許編派擾民

一順天應天二府及二府所隸州縣見年歲  
貢生照舊例改恩貢生以示重首善德意  
餘府州不得援爲例

一京師近年因差役繁重生員與平民一體

報僉殊失令甲優免二丁之例今查生之家果係父子同胞兄弟一應商循准與豁免

一動臣襲封見爵者俱給與應得誥命未領者准補給其五府宗人戎政掌印官兵部查有歷任年深勤勞無過者酌議題加官銜一級

一兩京文官一品至九品各給與應得誥敕四品以下本品已領給者給與執照轉官

之日補給試御史試中書庶吉事各衙門  
觀政進士在京候選者候實授陞官之日  
補給其司務國子監博士助教學正學錄  
典簿典籍翰林院待詔孔目仍照舊曆四  
十八年例改陞之日補給父母及妻凡願  
移封移贈者聽舉人中書願會試者准先  
給父母誥命凡恩廕尚寶中書未任者准  
照試中書例科舉從本州縣起文赴兩京  
吏部考試入場候到任日補給應得誥命

在外方面官五品以上有司四品以上各歷俸二年州縣正官歷俸二年以上有正薦者俱與應得誥敕到任違限無正薦者不准

一兩京文武官署職試職及總兵官帶都督僉事銜曾經陞俸一級者俱准實授

一兩京各衙門歷事監生及承差各免歷事二箇月辦事官一箇月辦事吏二箇月當該吏四箇月禮部鑄印局儒士食糧候糧

及納銀冠帶見在歷事者各免三箇月

一天下田賦因比年來西未寧軍興費重額  
供既難寬緩加派尤爲緊急小民困累極  
矣其免天下宿逋一年以稍紓目前新舊  
併徵之苦除南直隸及浙江等十三省萬  
曆四十四年已前北直隸保定河間真定  
順德廣平大名六府萬曆四十五年以前  
順天永平二府萬曆四十八年已前各先  
經蠲免外今將南直隸及浙江等十三省



萬曆四十五年分北直隸保定等六府萬  
曆四十六年分順永二府天啓元年分各  
未完稅糧馬草農桑人丁絲絹布疋棉花  
絨戶口鹽鈔民屯牧地草場莊田子粒租  
銀蘆課竈課富戶曆日防夫水夫民壯弓  
兵機兵課程門攤商稅魚課棗株鈔貫果  
品等項不分起運存留除已徵在官者照  
舊起解外查係小民拖欠者盡行蠲免各  
該有司須體朝廷德意卽諭小民知悉不

得背詔重徵違者聽撫按查實叅究

一漕糧改折銀兩卽抵放官軍折色月糧不容逋欠但前詔已將萬曆四十五年已前蠲免訖今姑再免四十六年一年

一侵欺在官錢糧律例最重不容蠲免但正犯已經監故正法家屬拘禁年久家產盡絕無可追處者姑自萬曆四十年已前事犯者悉與查豁

一天啓元年已前沿邊沿海倉場攢商人守

支糧料草束五年之外查盤泡爛虧折不  
係正數者不分正犯家屬軍罪以上開具  
奏請定奪徒罪以下俱准免追釋放

一浙江等總運糧官員有因漂流掛欠監追  
五年之上產盡或身故者子孫准其襲替  
照例扣俸還官如係侵盜正犯奏請定奪  
其違限註誤及中都等處違悞領班各題  
叅住降俸級立功者准與查復宥免

一天下鹽運司鹽課司提舉司萬曆四十六

年已前額課拖欠併存積年久風雨洎折  
巡鹽御史勘實盡行蠲免如數內已經開  
中商人赴場聽支者准與辦課贏餘場內  
自行買補量於割沒鹽斤數內扣除

一天下稅課抽分衙門原有

祖宗舊制其各路關津隘口商貨經繇處所曾經舊  
曆二十七等年設立徵權者近因新舊兵  
餉絀乏至極暫議開復責成廉明有司經  
管務期通商裕國於民不擾此外倘有擅

立牙行私抽稅錢網利病民者撫按等官  
嚴行查革奏重治

一各處賊罰銀兩先因額外加增數多以致  
刑官故入人罪橫肆科罪殊爲民害前次  
恩詔已將加增銀數蠲除自天啓元年爲  
始一照舊額解部以昭朝廷卹民之意各  
該司道有司敢有如前故入濫科等弊撫  
按查訪叅奏重治

一京師居民差役最繁苦累尤甚乃房號銀

兩一項又天下所竝無京師所獨有者其  
量免今年十一月十二月及明年正月三  
箇月以示喜惠都民之意

一太醫院內殿供事有勞官士量加職級見  
在供事冠帶醫士准照監儒事例免役四  
箇月內殿供事者加免二箇月其餘缺吏  
目曾經考試支俸者准令頂授止計支俸  
不支柴薪亦不得扣滿原係預授三年以  
上准令實授遇有本科員缺仍照原題挨

次銓補不得浮於額外四夷館譯字生會同館通事官亦優免四箇月

一湖廣四川廣西等處宣慰等司土舍應納銀襲替日久不能完納者照萬曆九年兵部題准雲貴事例免其納銀徑令冠帶管事以後土官襲替俱令照舊赴京或地方有事及貧寒不能赴京者具告該管撫按衙門查明代奏就彼襲替

一凡應襲武職比試違限應該住俸者免其

住俸比試不中應給半俸者准支全俸俟  
二年後起送再比總小旗因誤併鎗革役  
者該衛所查無別礙不論年月久近許令  
起送補併還役

一兩京京衛指揮千百戶等官係祖職功陞  
署試職級者准實授銜仍支原俸其例應  
請續黃誥者與京營實授各官一體題給  
一大漢將軍侍衛二年以上者給與冠帶已  
冠帶以歷四年以上授試百戶年及五十



侍衛二十年以上者不拘在役退閑俱與冠帶榮身其退役將軍兒男見在守候大選襲替者免其守候查照其父歷役年月久近准與襲替旗尉力士若年分未及與例未合者不許冒濫襲替

一武官五品以上致仕年六十以上者各進本品實授勲階一等若父係武職子孫文職見任其父應受子封而職高於子者雖係署職亦進本品實授勲階一等

一各衛所指揮千百戶鎮撫等官侍直多年有試署職銜者准實授支俸

一錦衣衛堂上掌印僉書南北鎮撫司掌印僉書理刑并東廠理刑官各陞一級仍舊理刑管事及巡捕提督京營副將亦有勤勞量加職級都給與新銜勳階撰文誥命一歲內各府州縣節年寄養馬匹有瘦弱不堪者負累小民餽養詔書到日各掌印官卽便覈實呈報該司照依時估變價解寺

貯庫其節年倒死馬匹勘合作踐情弊准免賠補

一內外各衙門見監死罪重囚有情可矜疑及人命在辜限外者覆審是實俱免死發邊衛充軍其人命無屍可檢強盜賊仗不明人犯無証原問衙門未成獄者卽比照熱審例清查釋放

一犯罪存留養親備載名例凡軍民罪囚有祖父母父母年八十以上老疾家無以次

人丁者犯該死罪除極惡重情常赦所不  
原外若誤殺戲殺誣告人累死隨行親屬  
等項開其所犯情繇奏請定奪

一犯徒流編發口外爲民及遷徙安罪已到  
配所者除謀叛家屬併奉旨人犯不赦外  
其餘悉准放回原衛原籍寧家隨住

一在京在外原係還官錢糧監守侵盜者俱  
照舊監追如正犯已經監故正法拘禁家  
屬年久產盡者奏請定奪其入官贓百兩

以上給主賊五十兩以上監追年久身故  
及不足前數監追一年之外勘無家產悉  
與宥免

一舖窰夫匠車戶人等拖欠錢糧果係家產  
盡絕身已物故累及子孫者自萬曆四十  
三年以前悉與赦免其有做過工程上過  
物料已經實收到部後因減欠者原與拖  
欠預支殊科查果年遠人亡產絕者俱准  
豁免

一浙直木商舊欠監追年久正身物故家產  
罄盡累及親屬代賠者許各該撫按官勘  
明具奏除豁

一浙江福建蘇松常鎮徽寧揚州廣德等府  
州縣自萬曆四十三年以前拖欠歲造段  
疋除已徵收在官及起運在途者照舊解  
納外其餘查係小民拖欠盡數蠲免

一前此覃恩陳乞冒濫合行一槩停止今次  
詔書俱於頒行到日止以後遷除推起各

官及事在詔後者俱不許援引瀆奏各衙門不得徇情濫題其詔欵開列應當遵行而有司官阻撓寢格者俱以違制論

於戲周嗣振振敢忘仁厚之訓堯天蕩蕩用成雍洽之休恪爾奉行服我新政播告中外咸使聞知

天啓五年十月二十五日

奉

天承運

皇帝詔曰書言堂構詩咏似續朕自臨御以來未嘗  
不寤寐深惟之也

列聖相承在宥之宸居迫

世宗肇錫皇極之嘉號爰及

神祖運值更新乃物力雖豫于儲胥而垂工尚稽于  
制作留厥鉅典昇在朕躬追念

先猷敢後經始乃者藉我



宗祊

社稷之休貺與爾卿士庶民之胥從六府鳩工百靈  
受職襄茲崇構還乎舊觀朕用諏于九月二十  
五日肇稱殷禮告成

祖宗蒞見羣后於戲役非得已永思志事之遺居豈  
求安式副繼承之重顧名思義建極敷言俾余  
一人嗣有令緒亦爾萬邦之克有成勞也特渙  
明綸用昭盛舉布告中外咸使聞知

天啓六年十月初十日

追諡獻懷太子敕諭

皇帝敕諭禮部

朕第三子誕生念係國本攸關已下

詔加恩所在均慶不意未週旋殞深愴朕衷撫  
舊悲新應同憫卹茲特追諡爲獻懷太子爾禮  
部擇日告聞

祖廟仍頒行中外咸使聞知

天啓六年六月十六日

奉

天承運

皇帝詔曰朕以眇躬仰紹

祖宗鴻業七年於茲深惟

皇考取法堯舜之訓兢兢業業不敢怠遑邇者三殿

告成光復堂構夷氛屢挫邊圉漸安方銳意治

平與民休息不謂秉賦虛弱自青宮已然及臨

御以來東西多警朝夕在念益用憂勞多思傷

脾遂致綿悞今乃復觸風恙衄血陡發憑几彌

留殆不能起有負

先皇顧託之命朕用盡傷若夫死生常理人所不免  
惟在繼統得人

宗社生民有賴全歸順受朕何憾焉皇五弟信王由  
檢聰明夙著仁孝性成爰奉

祖訓兄終弟及之文丕紹倫序卽皇帝位勉修令德  
親賢納規講學勤政寬恤民生嚴修遜備勿過  
毀傷内外大小文武諸臣協心輔佐恪遵典則  
保固皇圖喪禮依舊制以日易月二十七日釋

服母禁民間音樂嫁娶宗室親郡王藩屏爲重  
不得輒離封域各處總督鎮巡三司官地方攸  
繫不許擅去職守各止於本處朝夕臨哭三日  
進香差官代行衛所府州縣土官俱免進香於  
戲兄弟大倫幸

社稷之有王君臣至義期夾輔以爲忠尚體至懷用  
承末命布告中外咸使聞知

大啓七年八月二十二日

奉

天承運

皇帝詔曰我國家

列聖繼承休烈化隆俗美累洽重熙遠垂萬禩我

大行皇帝仁度涵天英謨憲古勵精宵旰銳意安攘

海宇快覩維新疆土勤思恢復萬機總攬六幕

禔庶方啓

鴻圖忽賓

龍馭爰膺

顧命及予眇躬驚聞

憑几之言凜念承祧之重而文武羣臣及軍民耆

老令辭勸進至於再三辭拒弗獲乃仰遵

遺詔於八月二十有四日祇告

天地

宗廟

社稷卽皇帝位以明年爲崇禎元年朕以冲人統承

鴻業

祖功

宗德惟祇服於典章吏治民艱將來宜於通變毗爾  
中外文武之賢諸予股肱耳目之用光昭舊緒  
愈懋新猷所有合行事宜開列于後

一天下宗藩生齒日繁歲祿難繼自本年以  
後各省撫按酌量原額限定若干除親王  
外查其世代之親疎位數之多寡通融支  
給不得濫加其名封結狀仍責成該省布  
政司巡撫衙門類奏不得專憑五宗徒滋  
弊竇其開四民之業照依禮部條議通行



一宗室犯罪發高牆者除謀叛及內亂強盜人命不宥外其越關赴京建言註誤及身故而遺下子孫妻妾無依者撫按衙門查明原犯情繇開具奏請其有侵犯職官凌虐小民等罪已經押解高牆久示懲創准與維新撫按查明具奏放回以昭惇睦之仁

一兩京五府掌印管事公侯伯都督總兵副總兵管官錦衣衛掌衛事并管南北鎮撫

司事指揮以上官六部等衙門四品以上  
官并學士及總督提督巡撫等官先年俱  
着自陳去留取自上裁但近年見任官員  
俱係

先帝澄汰拔擢姑着用心供職其五品以下文職及  
在外兩司方面官先年俱會同考覈但今  
大計非遠俱著策勵供職無得因循怠惰  
曠廢職業各部院堂上及在外巡按官嚴  
加督率隨事責成有偷安廢事者部院科

道不時論劾以憑究治

一凡緊要奏章奉旨下部者該科登記時日該部依期覈奏該部咨行各撫按文移應回報結款者亦定與期限如有時日稽延不行奏繳該科部一併查叅

一各王府分封旣久宗支日繁祿米歲增民間地畝所出有限有司怠於催徵及已徵在官而故稱拖欠以致養贍不周深爲可憫詔書到日撫按官嚴行設法徵給如有

不敷仍酌議妥確事宜奏聞朝廷區處毋致貧難失所有辜親親之意

一公侯駙馬伯并内外文武官員旗士人等見有因事革去罰住祿米俵糧者准照舊開支其干係內供邊餉錢糧任俵者不在此例

一邊腹衛所武官每有失誤各巡按官考察遂致住俸貧窶衛弁有數年不得沾俸糧一二分文者今查果無別犯止以悞考住

俸者准一槩與其開支

各省逋欠本折錢糧念小民困苦已極免  
宿逋一年特與分別明白俾有司便於遵  
守小民得沾實惠凡南直及浙江等十三  
省天啓元年分北直八府天啓二年分各  
以前未完夏稅秋糧馬草人丁鹽鈔民屯  
收地蘆課竈課富戶門攤商稅魚課棗株  
貫貫果品等項折色起存錢糧除已徵在  
官者照舊起解外查果欠在小民者悉與

蠲免其內供顏料蠟茶芝麻棉花布疋絲  
綿等項南直并浙江等十三省萬曆四十  
六年分北直真保順河廣大六府萬曆四  
十七年分順天永平二府天啓二年分并  
與蠲免各以後年分照舊徵解有司務要  
體朕恤民德意卽諭小民知悉不得背詔  
混徵違者撫按叅處

一加派地畝錢糧原爲遵餉計非得已但念  
民困堪憫亦應量蠲凡天啓元年分以前

未完查係小民拖欠者卽與蠲免其已徵  
在官及天啓二年分以後未完者照舊徵  
解仍示諭小民俾知朝廷不得已之意

一各省直未完金花銀兩除天啓三年恩詔  
內將萬曆四十一年以前蠲免外自今四  
十八年分以前已徵在官者照舊起解查  
果小民拖欠者悉與蠲免

一各地方永折及災折銀兩自天啓元年以  
前果係小民拖欠者准其豁免如原銀已

經徵收在官者不許朦朧報免其餘年分  
嚴限徵解以備應放折色之需

一民間丁銀原有定額年來生齒日繁戶口  
自應日益奈何侵占者多版籍日削卽審  
編一法弊竇叢生致有富屬上戶隱而不  
入耗絕貧丁反苦追徵殊可憫惻撫按官  
嚴行有司細爲清查凡有幼未成丁老未  
豁免等項悉與豁免

一週年加派徵輸民力已竭凡在有司當加



意軫恤倘有分外侵漁重科罰贖秤頭火耗等項朘削小民者撫按官嚴行禁諭違者從重叅處以昭朕愛養元元之意

一各省直運糧官員有因漂流掛欠降級監追五年之上產盡及身故者子孫准襲原職照例扣俸還官如係侵盜正犯奏請定奪其違限註誤及中都等處領班遲悞各經題叅住降俸級立功者准與查覆宥免一漕運錢糧有侵盜銀三百兩糧六百石以

上俱照侵盜本律仍作真犯死罪係監守盜者斬係常人盜者絞奏請定奪今准寬限半年以內果能完納者照常發落原盜銀兩不准議免

一官解侵費在官錢糧凡自萬曆四十八年分以前發覺正犯已經監故正法家屬監禁十年以上查果家產盡絕無從追比者准與豁免其有官解因事損失等項坐賠錢糧監追五年以上查果不係侵欺者亦

與豁免

一凡解官解戶有解到絹布不合新式者果係未奉改機明文之先所造者准照舊式驗收免其改造以省小民賠累

一兩京各衙門商役有三年一編僉者有五年一編僉者編僉之日如赴湯火今三年者減去一年以二年編僉五年者減去二年以三年編僉以蘇商困其柴炭舖商尤稱苦累原題四年准減一年以三年更換

一各邊鹽商中引納糧凡有勘合到准舊例  
每引先給引價一半餘候內商交易遇因  
淮庫將銀那解別川以致邊商守候踰年  
資本無歸每將鹽糧告停告減虧損邊儲  
今後巡鹽御史務要照舊設處庫價隨到  
隨給以蘇商困

一在京商人車戶等役各該衙門并經管官  
員務要從公審實的係殷實民戶方許着  
役不得循情賣富差貧其有祖父原係文

武官員曾經宣力於朝者不得恣行僉報  
以存國體至於應支錢糧并應給工食務  
要次第及時查照給與不得壓欠日久以  
致賠累

一各處儒學生員食廩年深需貢淹滯宜加  
疏通今計於歲額外順天府應天府每學  
添貢二名在外府州縣及運司衛學各添  
貢一名提學官將通學食廩生員考取起  
送以寓選舉經明行修之意止行今年一

次俱於明年四月內廷試其有年力不能待貢愿告冠帶者給與

一邪術誣世如無爲白蓮紅封大乘等教廣布傳頭結連亡命甚至造符印擁兵仗一呼百應莫可誰何矧有奸民專以賽會進香爲事輿蓋旗鼓喧鬧違法殊甚宜嚴緝教師會首依律究罪餘黨解散邇來淫祠日盛緇衣黃冠所在如蟻今後敢有私創禪林道院卽行折毀仍懲首事之人僧道

無度牒者悉發原籍還俗

一宗室子女奏報名封稱遲別無情弊者各該撫按官督令各輔導官以詔書到日爲始限五箇月以裏保送前來以憑禮部覆奏其的派子孫但所出不合奏例者亦請量准名糧冠帶以示優異中有孝友行誼輸納助官者仍照通行例旌獎

一祀典神祇有司宜肅恭祭祀整潔壇宇其帝皇陵寢及名賢墳墓皆宜脩理禁約毋許樵採牧

放

一太醫院見差供事冠帶醫士准照監儒事例免役四箇月內殿供事者加免兩箇月其候缺吏日曾經考試支俸者准令預授止許支俸不支柴薪亦不得扣滿原係預授三年以上者准令實授遇有本科員缺仍照原題挨次銓補不得浮於額外其有被誣革職年力未衰術業精通者該部准與辨明奏請復職



一兩京各衙門歷事監生及承差各免歷事  
二箇月辦事官一箇月辦事吏二箇月當  
該四箇月禮部鑄印局儒士食糧候糧及  
納銀冠帶見在歷事者各免三箇月四夷  
館譯字生優免四箇月

一京省中式舉人除關節顯然文體乖謬者  
仍照原議罰科外其情有可原者禮部查  
明具奏准其會試

一軍職萬曆三十三年以前爲事降調兩廣

等處煙瘴衛所病故不分已未到衛子孫  
爲因路遠不能赴所調衛分起文承襲者  
許令原衛起送承襲帶俸差操其終身軍  
已經開伍回衛年六十以上者比照爲民  
事例子孫准其承襲其爲事降級年六十  
以上有子孫赴部替職者准復祖職未及  
六十者止許暫替所降職事爲事立功者  
許令復職差操與支半俸扣至限滿全支  
有限未滿病故者子孫襲替免其減俸

一近來驛遞疲困支應不給馬戶夫役往往  
逃亡各省直撫按官行查地方衝僻繁簡  
將原額站銀酌量於簡僻處所有支剩銀  
兩通融協濟仍照節年中飭事例嚴查應  
付毋得徇情多給人夫馬匹及過往官員  
人等不許勒要折乾掇用金鼓夾帶騷擾  
一凡官吏軍民人等有犯除謀反叛逆失機  
子孫謀殺祖父母父母妻妾殺夫奴婢殺  
家長殺一家非死罪三人採生折割謀殺

故殺盛毒魔魅毒藥殺人強盜妖言奸黨  
假官假印發塚丟骸十惡至死罪及永遠  
充軍不赦併終身軍有事干封疆侵盜軍  
餉違禁通夷詐偽諸衙門文書誣騙財物  
亦不赦外其餘已未發覺已未結證罪無  
大小咸赦除之

一沿邊沿海緊要多事重鎮委用各名色千  
把總無實職者若係旗舍或係三科武舉  
果謀勇過人効有勞績方准與實職官一

體推用其軍民納授服色者原不在聽用之例不許乘機混冒

一武官五品以上致仕年六十以上者各進本品實授勳階一等爲民者與冠帶閑住閑住者與致仕若父係武職子係文職見任其父應授子封而職高於子者雖係署職亦進本品實勳階一等

一在京在外強盜妖言奸細等項務要嚴加緝獲賊證明確法司衙門依律究擬不許

無將戮奪之徒介功罔利妄拿誣陷違者  
查出治以重罪

一內外問刑衙門無論文武職官有犯曾經  
撫按問明具題覆請未下者准照原題發  
落若正犯已故累及子孫者酌量開釋具  
請其各省直撫按衙門等官例報審錄矜  
疑等項人犯題請未下者亦俱准照原題  
發落開釋

一內外各衙門見監死罪重囚若有情可矜

疑及人命在辜限外者覆審是實俱免死  
罪發邊衛充軍其人命無屍可簡強盜賊  
仗不明及年久無賊人犯無證或悞殺戲  
殺原無造意重罪或首犯脫逃問擬次犯  
具題未下原問衙門未成獄者卽比照熱  
審事例清查釋放

一内外文武大小官員有被叅處罪名賊私  
應聽彼處撫按看明情真罪當者就近勘  
擬追賊其有事涉疑貳未有確據者許該

撫按查明代題昭雪

一侵盜錢糧問擬成案已經追比完納者應依科減等

一死罪存留養親備載名例律凡軍民罪囚有祖父母父母年八十歲以上老疾應侍養家無以次成丁者犯該死罪除極惡重情外其餘許開具所犯情繇奏請定奪以便存留養親

一天啓六年七年在京問過發配納贖等徒



罪監禁日久無可抵贖卽准釋放

一在京在外監追還官入官給主贓物除原  
係官錢糧監守侵盜者俱照舊監追外其  
入官贓百兩以上給主贓五十兩以上若  
監追二年之上正犯已故家屬代追各勘  
無家產堪以變賣者開具所犯情由奏請  
定奪若入官給主之贓不及前數監追一  
年之外正犯身故勘無家產悉與優免若  
係埋葬正身見在仍依律追給以恤死者

一軍民人等有犯人命擬抵秋後處決監禁  
年久老疾廢瞽者許查明矜疑開釋

一凡内外文武犯官還官賊私追久未結者  
查果家產盡絕無可追比應查明具題請  
旨開豁不得波及無辜

一凡在監人犯招案已定希圖展辯輒扳扯  
多人查初案原無姓名審確果冤卽與開  
釋

一舖寄車戶人等拖欠錢糧果係家產盡絕

身已物故累及子孫者自萬曆四十三年  
以前兩經恩赦宜速與查明題豁其有做  
過工程上過物料已經實收到部後因減  
欠者原與拖欠預支姝科查果人亡產絕  
者俱准豁免

一浙直木商舊欠監追年久正身物故家產  
罄盡累及親屬代賠者許各該經管衙門  
查明報部題豁其萬曆三十五年以前派  
辦浙直鷹平等木因殿工未舉木未經收

三次漂沒追補水脚未完者果係人亡產絕俱准豁免其湖廣等處水政銀兩着該撫按查明具奏以憑裁奪

一承辦三殿大工舖商車戶夫匠等役勞苦最多以後各衙門不許再行僉派誤報者卽與除名其兩審柴戶尤爲疲累查產盡身逃者許找完欠價盡行豁免另行僉報殷實上戶

一浙江福建蘇松常鎮徽寧揚廣等府州自

萬曆四十八年以前拖欠歲造段疋除已徵在官及起運在途者照舊解納查係小民拖欠者應否蠲免該撫按奏請定奪

一各省直等處額解四司料銀段價磚料生熟鐵黃白麻磚匠穀藤葦夫葦課車價班匠柴夫木柴焦炭銀山場地租河道退灘地畝籽粒鐵冶民夫鹿皮活鹿天鵝狐皮羽毛等項本折自天啓元年以前徵收在官者截數起解不許隱匿拖欠未徵在民

者盡行蠲免

一各省直解官解戶拆進內庫錢糧入京多  
投歇家攬頭槩限局騙相聚日久先後那  
補侵費敗露致原解官役羈囚節年追比  
或有身死累及家屬無裨積逋詔下之日  
若五年以上未完者姑准押發原籍并歇  
家攬頭行撫按勘估家產抵還拖欠果係  
家產盡絕准與豁免止各依應得罪名發

落

一今後在外在京文武衙門大小官員俱要  
勵端慎廉靜之節去虛浮怠玩之私上報  
國恩下保名位一應正務詔書開載未盡  
者陸續查議條奏其凡可以正士習糾官  
邪安民生足國用等項長策仍許諸人直  
言無隱

於戲際茲景命維新嘉與更始鑒于先王成憲  
庶永無愆若乃宣布詔書俾阻深之咸耀匡扶  
不逮使次第而可行惟爾百司與朕一德播告

天下咸使聞知

天啓七年八月二十四日

皇明詔敕

十一

八

天啓七年

六十五

七



奉

天承運

皇帝詔曰朕惟恩深鞠育孝大母親自古帝王暨我  
祖宗列聖膺圖繼祚莫不致隆所生益以昭罔極之  
報而教民孝也恭惟

聖母光大含弘幽閒貞靜輔翼

皇考誕予眇躬勤顧復之洪慈劬勞靡替廣啓迪之  
懿訓諄篤有加朕茲獲以幼冲寅承大寶瞻惟  
兄終之及實繇

聖明詔制

十八

天啓七年

八十二

五

慈慶之鍾至德難名尊養靡及爰舉哀榮之典式昭  
追報之思叅稽禮文尊崇諡號乃於天啓七年  
九月二十一日祇告

郊

廟

社稷奉

冊寶恭上

尊諡曰

孝純淵靜慈順肅恭毗天鍾聖皇后光遐祉于九京

播休聲于八表於戲至哉坤元詎模聖善之彷彿  
渙茲大號用昭祥發之根原布告華夷咸使  
知悉

天啓七年九月二十日

表

天承運

皇帝詔曰朕聞坤順承乾兩儀迺以奠位內治贊外  
六合斯以蒙休王化攸關典禮是式朕荷

天眷命序繼洪圖深惟儀刑於萬國宜首崇位於母  
儀妃周氏受命

先帝配朕潛邸含章體順懿範克紹前徽率禮蹈謙  
淑德允稱作合是用祇告

天地

宗廟

社稷以天啓七年九月二十七日冊立爲皇后正位  
中宮於戲佐一人以主鬯弘開有道之長叶三  
靈以永綏益衍無疆之慶布告中外咸使聞知

天啓七年九月二十八日

奉

天承運

皇帝詔曰帝王盛德弘施昭懿範於當時者皆有

號令名祔諸

廟享傳之萬禩蓋匪獨表章前休正以永垂後美也

恭惟

皇兄大行皇帝仁孝承先憂勤勵治

兩朝聖德經闡繹而炳若日星三極宸居善繼述以

垂茲堂構

皇明詔制

十八

天啓七年

八十五

臣

王道正直挈繩準於朝端

聖武旁昭暢威靈於遐域蓋惟知人而善任以致外  
攘而內安

御宇乘乾于茲七載攷休徵之疊至謂曆數其未央  
何期

一人宵旰之勤竟貽率土板號之痛傾予涼德肇績  
丕基念在耳之遺言愴因心之難報通追前烈  
用率舊章協衆論之僉同薦

鴻稱於不朽乃於今年十月初七日祇告

天地

宗廟

社稷恭奉

冊寶上

大行皇帝尊諡曰

達天闡道敦孝篤友章文襄武靖穆莊勤愍皇帝  
廟號

熹宗於戲

賓天之駕雖遙敢忘陟降



皇明詔制

十一

天啓七年

全六

全六

本

載德之名無敦尚見羹牆布告萬方咸使知悉

天啓七年十月初八日

奉

天承運

皇帝詔曰朕嗣承大統不煥新猷凡厥典章必稽

祖制爰源

世宗入繼之始特崇

莊肅皇后之稱友愛篤於因心芳聲昭於圖史事懷

前烈豈敢或愆敬惟

皇嫂皇后發祥璫室正位椒宮道合靜貞性鍾仁孝

先皇久資內助

皇明詔制

卷一百一十五

三

七

宗廟夙享馨香陰教用章徽音嗣美是用仰參舊典  
修舉隆儀以正月二十日祇告

天地

宗廟

社稷恭上尊號曰

懿安皇后於戲追

龍馭於鼎湖式重倪天之配光

鴻名於玉冊永垂奕世之祚布告四方所宜知悉

崇禎元年正月二十二日

奉

天承運

皇帝詔曰朕惟帝王膺天曆而奉宗祧首重元儲尤  
隆世嫡朕以眇躬嗣服丕基夙夜祇念我

皇祖

皇考集慶發祥源深緒遠佇昌嗣續仰慰貽謀茲荷  
上帝居歆

宗祊垂佑以今年二月初四日第一子生係

皇后周氏出中閨開冢胤之先萬國懷元良之祝肆

聖訓頒渥澤覃被多方所有恩條臚列如左

一自崇禎二年三月初九日昧爽以前官吏  
軍民人等有犯除謀反叛逆子孫謀殺祖  
父母父母妻妾殺夫奴婢殺家長殺一家  
非死罪三人採生折割人謀殺故殺蠱毒  
魘魅毒藥殺人強盜妖言奸黨失機假印  
假官人命發塚丟骸十惡至死罪及永遠  
充軍不赦併終身軍有事干封疆侵盜軍  
餉違禁通夷詐爲諸衙門文書詭騙財物

亦不赦外其餘已未發覺已未結正罪無  
大小咸赦除之敢有以赦前事相告言者  
以其罪罪之

一各王府宗支繁衍歲祿日增各州縣坐派  
民糧原有正項有司不行督徵或那移別  
用以致常祿逋欠養贍無資詔書到日撫  
按官行布政司嚴限催徵將崇禎二年全  
祿按季完給其三年以後查照題定限祿  
法酌議裒益通變事宜仍行長史司啓王

裁定撫按叅酌奏聞區處務使經久可行  
稱敦睦屬籍之意

一宗室婚封奏報稽遲別無情弊者各輔導  
官查明保送該部卽與題覆准其封婚其  
未請封婚所生之子不合奏例者查係嫡  
派宗枝具奏前來題給名糧冠帶以示優  
派

一宗室節年因事減革祿糧者除敗倫傷化  
妍盜人命重情外其餘詔書到日全革者

准復半減革者准全復以資養贍撫按官彙奏定奪

一勳臣襲封見爵登極未領誥命者准給與應得誥命

一兩京三品以上文官例該廕子未及三年考滿者俱准廕一子入監讀書其登極已廕并先經考廕詔後續陞者俱不准削奪起用者准復原廕亦不再給

一自奸黨首倡奪情倫彞幾至漸滅宜獎孝



行以弘風勸凡中外諸臣有終養在籍者  
量加散官一級親年八十以上素行無虧  
者有司官量加旌異其不係特疏請養及  
告歸斥歸者不在此例

一兩京各衙門歷事監生及承差各免歷事  
二箇月辦事官一箇月辦事吏二箇月當  
該吏四箇月禮部鑄印局儒士食糧候糧  
及納銀冠帶見在歷事者各免三箇月  
一各省直本折夏稅秋糧馬草人丁鹽鈔民

屯牧地蘆課竈課富戶門攤商稅魚課棗  
株鈔貫果品漕折輕齋等項起存錢糧及  
加派地畝遼餉前議天啓四五兩年停徵  
今悉與蠲免催徵自六年起其以供顏料  
蠟茶芝蔴棉花布疋絲綿等項南直并浙  
江等省俱蠲免至天啓二年催徵自三年  
起北直八府蠲免至天啓三年催徵自四  
年起已徵在官者照舊起解詔書到日撫  
按卽行各屬將蠲免年分大書刊碑豎州

縣大門外使百姓通知如有違詔重徵卽  
行叅處提問有司官因天啓四五年以前  
逋欠叅罰降級住俸悉與移文吏部知會  
各該撫按槩准開復逋欠六年以後者不  
准

一遠年錢糧奸頑侵耗者多良民逋欠者少  
雖經蠲免慮小民不沾實惠卽本年派蠲  
恐已未完納不均茲照萬曆三十三年例  
將崇禎三年天下稅糧除起運外存留者

准免十分之二以蘇民困府州縣預行刊  
石曉諭使百姓通知

一省直解納京師折色銀兩遠年掛欠未完  
今應分別懸釋有本解追比身故者卽與  
蠲免如解官已經罷官羈留不得還家者  
減免一半兩直取該道各省取該布政司  
查實申文爲據應免者照例請免應解者  
刻期補解其係崇禎元二年新經掛欠者  
不在此例

一起解錢糧途中失盜原盜已獲賊追未全致累州縣地方賠補五年以上者准與蠲免其一盜未獲及近年者不得援例

一京師居民差繁役重苦累偏多房號銀兩貧戶更難措辦應照例量免今年三月四月閏四月共三箇月以示嘉惠輦轂之意

一畿輔爲天下根本古徙富民以實京師近因倉報舖商抑勒賠累以致逃亡相繼今後一切召買各項錢糧務要確查時估速

給預支見價加意優恤毋得虧累壓欠用  
昭恤商之仁

一省直地方多有審編無法致令殷富之家  
隱匿壯丁及將貧絕戶丁磨苦賠累者撫  
按嚴行所屬清查一應老耄稗齒悉與豁  
免

一鰥寡孤獨及廢疾無倚者有司照例存恤  
在京在外安插官房應給糧米以時給散  
不許棍徒包攬侵費致令失所

一順天應天二府及所隸州縣見年歲貢照舊例改恩貢生加惠苜蓿其餘州縣不得引例以致冒濫

一太醫院內殿供事有勞官士量加職級見在供事冠帶醫生准免役四箇月內殿供事加免二箇月四夷館譯字生會同館通事官俱免四箇月

一兩京五府掌印僉書及宗人戎政掌印官查有勤勞年深邊疆著績登極

郊祀未經加恩者准與題加一級

一大漢將軍侍衛二年以上者給與冠帶已  
冠帶又曆四年以上授試百戶年及五十  
侍衛二十年以上者不拘在役退閒俱與  
冠帶榮身見役隨伍將軍查果効勞二十  
年以上亦准與冠帶其退役將軍兒男見  
在守候大選襲替者免其守候查照其父  
歷役年月久近准與襲替旗尉力士若年  
分未及與例未合者不許冒濫襲替



一上直二十衛掌印指揮千百戶侍直守衛  
多年原係實職者量從優敘有試署職銜  
者准實授支俸

一武官襲職十年以上人文不到部者查有  
家貧子幼等情量寬至二十年自崇禎二  
年起至四年終止再過期者方依常限革  
發

一武官誥敕續黃用訓祖功兼稱世派近緣  
所司留難多致停廢兵部便行文天下軍

衛衙門有年久未續者本衙所保勘明白  
准與續黃以後襲替必須親齎誥敕與黃  
選查對相同方准選授

一各邊將士戰功賞不踰時用鼓敵愾向因  
勘覆稽運動淹歲月甚有本身已經物故  
子孫無力自明者兵部行文各該巡按御  
史將崇禎二年以前大小功次久未勘報  
應加陞賞卹錄者勒限奏報其邊腹衛所  
多有奸民賄買世職絕黃冒認軍人嫡派

濫襲陞敘者清查奏革

一湖廣四川廣西等處宜慰等司土舍應納銀襲替久不能完納者照萬曆九年兵部題准雲貴事例免其納銀徑令冠帶管事以後土官襲替貧寒不能赴京者具告該管撫按衙門卽與查明代奏襲替不許縱容官吏抑勒需索

一浙江等總運糧官員有因漂流掛欠監追五年之上產盡或身故者子孫准其襲替

照例扣俸還官如係侵盜正犯不准

一畿內各府州縣節年寄養馬匹有瘦弱不堪者負累小民餽養詔書到日各掌印官即便覈實呈報該司照依時估變價解寺貯庫其節年創死勘無作踐情弊准免賠補

一京營并在外各營騎操及苑僕萃牧馬疋創失被盜應追補椿賊等銀除已徵在官截數起解外其天啓五年以前未完者俱

准蠲免

一內外監追還官入官給主贓物問擬成案  
已經完納者依例減等發落其正犯監追  
已故家屬代禁財產盡絕者開具所犯情  
罪奏請定奪係給主贓徑與豁免

一內外衙門見監囚犯有情可矜疑及人命  
在辜限外者覆審是實比照熱審例俱免  
死發邊衛充軍

一軍民罪囚有祖父母父母年八十以上老

疾家無以次人丁者除犯死罪重情常赦  
不原外若誤殺戲殺誣告人累死隨行親  
屬等項查照犯罪存留養親各例律開具  
所犯情跡奏請定奪

一各省直等處額解四司料價段價甄價生  
熟鐵黃白麻甄匠桑麻葦夫葦課車價班  
匠柴夫木柴焦炭銀山場地租河道退灘  
地畝籽粒鐵冶民夫鹿皮活鹿天鵝狐皮  
翎毛等項本折未完者天啓元年已經赦

免今再免二年催徵自四年起查天啓三年以前徵收在官者截數起解不許侵匿未徵在民者盡行蠲免

一柴炭舖商係重大苦差若再役

陵工重困難支不得更派兩窑柴戶其應過

陵工舖車夫匠等役各衙門亦不許再行僉報誤報者卽與除名

一工部商匠車灰窑夫等役拖欠銀兩果有年遠人亡產盡追比已久無從補償者自

天啓元年以前應與赦免

一前此登極覃恩陳乞冒濫今次詔書卽以頒行及開讀日爲限官論見職事論赦前在內吏部等衙門類題在外該撫按官類題不許自行陳乞及事在詔後者俱不許援例竇奏其赦過罪犯蠲過錢糧該撫按官於年終奏繳使民沾實惠如詔款開列應當遵行有司阻撓寢格者以違制論

於戲震祥肇毓坤元贊乾始以幾庶渙號鴻宣



解澤罷申而布命誕告中外咸使聞知

崇禎二年三月初九日

奉

天承運

皇帝詔曰朕惟自古帝王嗣大曆服長治久安莫不  
首重建儲所以定宗祧隆國本凝

天眷而繫人心也我

祖宗列聖相承德祚綿洽率繇茲道以裕詒謀朕祇  
紹丕基兢懷付託乃荷

皇穹眷祐澈嗣蚤開長子慈烺庠託坤元祥鍾震一  
中外起敬承之頌天人表協應之符昨日文武

聖訓  
臣民疏請再三舉行冊禮而朕以子方祿祿謙  
讓未遑茲屆青陽載仲之辰正值蒼昊誕彌之  
月禮官復申前請衆志誠難固違爰考舊章式  
諏吉日祇告於

天地

宗廟

社稷授冊寶立慈煥爲皇太子以仰繩

累葉無疆之緒俯慰兆人胥戴之情大典告成環垓  
同慶所有寬恤事宜條列於後

一各王府宗支日衍祿米歲增有司每藉口  
民窮徵催獨緩或那移借抵以奏考成或  
聽憑吏書勒索常例致各處王府應得祿  
米缺少養贍不周殊失篤厚懿親之意詔  
書到日各該撫按嚴查各州縣舊派祿糧  
額數已徵者何故庫留不發未徵者何故  
不行查催分別叅處務使支給無虧至應  
請名封婚祿俱要依期具奏不得稽延致

累貧宗

一親郡王及將軍中尉等有行誼克敦孝友  
著聞者該撫按官具奏旌表宗生旣開仕  
籍有志進取者提學官宜加意振作科場  
試卷與生儒一同中式不得另立字號拘  
限名數

一自崇禎三年二月初十日昧爽以前官吏  
軍民人等有犯除十惡大逆真犯死罪及  
永遠充軍并終身軍事干封疆侵盜軍餉  
違禁通夷詐爲諸衙門文書誑騙重大俱

不赦外其餘不論已未發覺已未結證罪  
無大小咸赦除之

一省直本折錢糧雖項欵山入無一可緩而  
軍需旁午災祲頻聞瞻念民生殊深憫惻  
今特分別蠲免兩直十三省夏稅秋糧馬  
草人丁鹽鈔民屯牧地蘆課竈課富戶門  
攤商稅魚課聚株鈔貫果品等項本折起  
存錢糧自天啓七年以前除已徵在官及  
那移別用者俱照舊起解抵補外查果小

民拖欠准與豁免其內供顏料蠟茶芝蔴  
棉花布疋絲綿等項係南直并浙江十三  
省者俱蠲免至天啓三年北直八府俱蠲  
免至天啓四年其已徵在官起解在途者  
不在此例以後年分照舊徵解詔書到日  
各該撫按通行各該有司刊榜諭免不許  
朦朧混徵其應徵年分務要速徵速解毋  
得延捱觀望

一兩京文武一品至九品各給與應得誥敕

先曾給領者晉本品勳階一等品同而職銜不同者照見任以給署職及試職者准實授庶吉士給假等官授職復除日准補給願移封移贈者聽其先經奏移者今仍准給本身及妻在外方面有司二品至七品歷俸二年以上查有正薦者亦准給應得誥敕先曾給領者晉本品勳階一等

一文武官員五品以上致仕在家實年六十以上者各進階一級二品以上致仕大臣



年八十以上者有司具奏存問

一各邊將領有素著謀勇累立戰功偶因失事革職閒住年力未衰猶堪任使者撫按科道官查訪疏名奏請起用

一太醫院職司保和供事勞動掌印官量加一級其見在任事官士冠帶醫生各准免役四箇月內殿供事加免二箇月四夷館譯字官生通事官俱免四箇月

一戚臣自

皇祖以後

母后之家慶澤綿遠宜加特恩查果嫡親弟侄卽帶有府銜者量陞一級以示優厚其年久疎遠并妃嬪戚裔不得濫及

一兩京五府掌印僉書及宗人戎政掌印管領大漢紅盔將軍叉刀圍子手并錦衣衛堂上南北鎮撫司掌印僉書理刑等官著有勞績者量陞一級給與撰文誥命其原任掌印僉書等官兵部查有勤勞年深亦

與優敘

一兩京武官署職試職及邊方總兵帶府銜者曾經陞俸一級俱准實授其巡捕捉督京營副將等官効有勤勞者量加職級其應請續皇誥者准與題給

一革除間被罪諸臣皆我

太祖高皇帝所儲養忠臣義士已經前詔褒表忠魂卹錄後裔更查忠節最著者予諡以勵臣節

一上直錦衣并旗手等二十衛掌印指揮千百戶侍直守衛効有勤勞查其誕生皇子未經加恩者原係實職量從優敘試署職銜准與實授

一省直舉人貢監生儒及布衣之士中有孝友廉潔博物洽聞或奇節至行可以勵俗維風者巡按官訪實會同提學官奏聞以憑徵召但不得一憑夤緣反滋弊竇

一省直生員舊例俱有恩貢近因銓除壅滯

不必再選酌於今歲解額兩京量加二名  
各省量加一名以示作養後不爲例其順  
天應天兩學照舊例改歲貢爲恩貢加惠  
首善所屬州縣并餘府分及別省不得比  
例其歲貢有老疾難赴試者給與遙投訓  
導

一孝順節義乃風化所關近來有司漫無甄  
別往往致窮鄉巨戶湮沒終身而富民勢  
家增飾奢美又或子孫貴顯自行陳乞皆

體勘不真輒爲具奏殊非朝廷彰善闡幽  
之意今後地方有孝子順孫義夫節婦有  
司加意查訪亟與覈實奏聞不許偏及勢  
要其已經旌表者孝子給與冠帶節婦給  
與粟帛

一邪術白蓮無爲等教廣布傳頭愚民無知  
多被煽惑着該撫按督率地方官揭榜曉  
諭多方解散查有妖邪經板盡數焚燬留  
匿書本者重罪其賽會進香金鼓輿蓋兵

仗橫行藏奸滋亂所在官司依律究罪及  
私創禪林道院崇禎三年以後一槩禁止  
一免死充軍本因矜疑寬典而致累子孫爲  
輕反重及補解清勾祖軍重爲里甲苦累  
今後止照萬曆二十五年新例免死充軍  
者發煙瘴極邊充軍終身若復逃歸仍坐  
以死勾解除嘉靖以後犯罪發遣照舊外  
其遠年丁盡者准銷有丁者許告清軍衙  
門類題改附近衛所若有丁詐稱盡絕者

坐罪其佃戶女戶不係嫡派戶丁不得混行勾解

一問發充軍及遣發爲民安置家口除逆黨強盜窩訪騙詐貪淫失機者不宥外若曾有功而罪可原者准行放免其素著謀勇年力猶堪驅策酌量戴罪立功有奉特旨發遣者具奏定奪

一邇因虜犯內地殘破郡邑鄉落其職官仗義死難固當優恤亦有士民婦女抗節遇



害并宜查明旌恤以勵風化

一虜來搶掠民受摧殘賊管降兵多內地百姓畏禍被脅暫順偷生一經汚染思歸無路若不許更新終當淪陷此後倘反正歸鄉有司審明編入保甲收撫不得混稱奸細槩行摘阻

一農事國家根本自郊畿被虜百姓流離今行有司招集復業查給牛種該撫按卽查順永各屬地方曾經攻掠逃散招歸耕作

者各准蠲免見年錢糧一年崇禎四年起  
仍舊徵收該撫按確勘奏報毋得漏免

一各省直額解四司料價生熟鐵黃白麻絲  
麻山場地租河道退灘籽粒等項本折未  
完者除前詔蠲免外今再免一年徵催自  
天啓五年起查天啓四年徵收在官者截  
數起解未徵在民者盡行蠲免其應徵年  
分速行督解不得借延

一流俗傾陷訛言謀計往往煽禍波及善良

該城御史嚴加禁止如有犯者緝拏正法  
務使民間各安生理勿墮奸謀

於戲位定承乾恩覃申異惟嫡惟長萃全盛而  
衍重熙是錫是敷保庶民以歸皇極播告天下  
咸使聞知

崇禎三年二月初十日